

Jon anêᶇ kapyā te lô Abô môᶇ

Aposel Jon hato kapyā êntêk hadêᶇ Gaius. Diotlepes ma avômalô êvhaviᶇ anêᶇ malak te iniᶇ avaka. Ma yani hadô ek enja kêdôᶇwaga takatu ba Jon hêv i ba i loᶇ êᶇ thô. Ma donᶇtom Gaius hawa i thô ba intu Jon hato hadêᶇ yani ek indum yani lamavi.

Hato kapyā êntêk hadêᶇ 85 lo 95 AD malêvônᶇ doho la.

Jon hêv lamavi hadêᶇ Gaius

¹ *Ya Biᶇsu Jon ba yahato kapyā êntêk hadêᶇ o yenaᶇ aiyaᶇ Gaius. Yalenᶇhaviᶇ o hathak abô avanônᶇ.

² Aiyaᶇ, yahatenᶇ mek ek lemvimkupik lôk anêᶇ ku lôkthô imbitak mavi êtôm anêᶇ hôêvhaviᶇ hamô mavi. ³ *Aiyaᶇ doho êvô êlêm ba enaᶇ nena hosopa abô avanônᶇ dedauᶇ mavi hathak nômkama sapêᶇ atu ba hudum ba intu yalenᶇmavi anônᶇ. ⁴ Yahalaᶇô nena yenaᶇ avômena esopa abô avanônᶇ atu, êᶇ ma hadum yalenᶇmavi anêᶇ dôêᶇ.

Gaius hadum kobom mavi

⁵ Aiyaᶇ, hoyabinᶇ kêdôᶇwaga abô avanônᶇ takatu ba êlêm anêᶇ loᶇ buyaᶇ ma thêlô ma ᶇê masôm ek o, êᶇ ma hudum nôᶇ mavi anônᶇ. ⁶ *Thêlô

* **1:1:** Ap 19:29; Lom 16:23 * **1:3:** 2Jon 4 * **1:6:** Tit 3:13

bôk enaŋ hathak anêm lemhaviŋ atu bêŋ hadêŋ avômalô êvhaviŋ anêŋ loŋ êŋ yôv. Ba êthôk hathak loŋbô ma mavi ek undum aêŋ ba nêm thêlô sa êtôm Wapômbêŋ da anêŋ lahaviŋ ek ini buyaŋ. ⁷*Hathak athêŋ êŋ, ma thêlô i ma miŋ ewa nômlate anêŋ nê daluk ami. ⁸ Ba intu mavi ek nanêm nê takêŋ sa ek alalô nambitak nê ku imbiŋ thêlô esak abô avanôŋ.

Diotlepes hadum kambom

⁹ Bôk yahato kapya hi avômalô ôdôŋ êvhaviŋ yôv hathak nôm takatu, ma donjom Diotlepes miŋ hathak halaŋô yêlôaniŋ abô ami. Mi, lahaviŋ imbitak anyô bêŋ. ¹⁰ Aêŋ ba yahathôk ma tem yanaŋ anêŋ kambom êŋ bêŋ. Yani hathak hanaŋ abô kambom takatu ba ôdôŋ mi hathak yêlô. Ma hadum kambom bêŋ yaŋ haviŋ nena hadô ek enja kêdôŋwaga abô avanôŋ takatu ba êlêm thô. Ma hamiŋ loŋ siŋ ek avômalô takatu ba leniŋhaviŋ neja i thô lôk hadum ek nêm i vê ênjêk avômalô ôdôŋ êvhaviŋ.

Demitlius hadum mavi

¹¹ *Aiyaŋ, miŋ undum ek osopa nê kambom veŋiŋgwam ami. Mi, osopa mavi iyom. Ôpatu ba hadum mavi ma Wapômbêŋ anêŋ. Ma ôpatu ba hadum kambom ma miŋ bôk hayê Wapômbêŋ ami.

¹² Avômalô lôkthô enaŋ abô mavi hathak Demitlius ma abô avanôŋ hik loŋ haviŋ. Ma yêlô anaŋ aêŋ iyom ma hoyala nena yêlôaniŋ abô ma avanôŋ.

Abô anêŋ daŋ

* **1:7:** 1Ko 9:11-12 * **1:11:** 1Jon 3:6-10

¹³* Abô bêñ anôñ hêk ek yato êndêñ o, ma donjom yahadô ek yato. ¹⁴ Yalenhaviñ yasôk yanğê o kethen oyan ek alai nanan abô imbiñ i.

¹⁵ Yôhok êmô imbiñ o. Anêm avômalô môlô êv iniñ leniñmavi hathok ek o. Ma nêm yalenmavi êndêñ yenan avômalô môlô tomtom atu ba êmô haviñ o.

* **1:13:** 2Jon 12

Wapômbêŋ Anêŋ Abô Mathen
The New Testament in the Malei-Hote Language of
Papua New Guinea
Nupela Testamen long tokples Maei-Hote long Niugini
copyright © 2010 Wycliffe Bible Translators, Inc. and The Malê people

Language: Hotê-Malê (Malei-Hote)

Translation by: Wycliffe Bible Translators

Contributor: The Malê people

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 21 Feb 2024 from source files dated 31 Aug 2023

c8e90bc3-6cab-57b1-9a48-04f5f30fe59a